

景岳全書卷二十四心集

雜證諸

會稽

張介賓

會卿著

會稽

魯

超

謙菴訂

泄瀉

經義

金匱真言論曰長夏善病洞泄寒中

陰陽應象大論曰清氣在下則生殭泄濁氣在上則生臃脹○

濕勝則濡泄○春傷於風夏生殭泄○水穀之寒濕感則害

人六腑

臟氣法時論曰脾病者虛則腹滿腸鳴殮泄食不化

百病始生篇曰虛邪之中人也留而不
去傳舍於腸胃多寒則
腸鳴殮泄食不化多熱則澹出糜

舉痛論曰寒氣客於小腸小腸不得成
聚故後泄腹痛矣○怒
則氣逆甚則嘔血及殮泄故氣上矣

經脉篇曰脾所生病心下急痛澹瘕泄○肝所生病胸滿嘔逆
殮泄狐疝

宣明五氣篇曰大腸小腸爲泄

厥論曰少陰厥逆虛滿嘔變下泄清

太陰陽明論曰食飲不節起居不時者陰受之陰受之則入五臟入五臟則臍滿閉塞下爲飧泄久爲腸澼

陰陽別論曰一陽發病少氣善欬善泄

邪氣臟腑病形篇曰肺脉小甚爲泄○腎脉小甚爲洞泄

脉要精微論曰胃脉實則脹虛則泄○數動一代者病在陽之

脉也洩及便膿血○久風爲殭泄○倉廩不臟者是門戶不

要也水泉不止是膀胱不臟也得守者生失守者死

平人氣象論曰尺寒脉細謂之後泄

玉機真臟論曰脉細皮寒氣少泄利前後飲食不入此謂五虛
○泄而脉大脫血而脉實皆難治

師傳篇曰臍以上皮熱腸中熱則出黃如糜○臍以下皮寒胃
中寒則腹脹腸中寒則腸鳴飧泄○胃中寒腸中熱則脹而
且泄

論疾診尺篇曰大便赤辦飧泄脉小者手足寒難已飧泄脉小
手足溫泄易已○春傷於風夏生後泄腸澼

欬論曰五臟各以治時感於寒則受病微則爲欬甚則爲泄爲

熱病篇曰泄而腹滿甚者死

玉版篇曰其腹大脹四末清肫形泄甚是一逆也○腹鳴而滿四肢清泄其脉大是二逆也○欬嘔腹脹且殮泄其脉絕是五逆也

標本病傳論曰先病而後泄者治其本○先泄而後生他病者治其本

四時氣篇曰殮泄取三陰之上補陰陵泉皆久留之熱行乃止氣交變大論曰歲木太過民病殮泄食減體重煩冤腸鳴腹支滿○歲火太過民病血溢血泄注下○歲土太過民病腹滿

澹泄腸鳴反下甚○歲木太過上臨太陽病反腹滿脹鳴澹
泄食不化○歲木不及民病少腹痛腸鳴澹泄○歲火不及
復則埃鬱病驚澹腹滿食飲不下寒中腸鳴泄注腹痛○歲
土不及民病殮泄霍亂體重腹痛○歲金不及民病血便注
下○歲水不及民病身重濡泄

五常政大論曰界監之紀上角與正角同其病殮泄邪傷脾也
○發生之紀上徵則其氣逆其病吐利

六元正紀大論曰不遠熱則熱至不遠寒則寒至寒至則堅痞
腹滿痛急下利之病生矣熱至則身熱吐下霍亂血溢血泄

淋瀝之病生矣○太陰所至爲中滿霍亂吐下○厥陰所至爲脇痛嘔泄○少陽所至爲暴注○太陽所至爲流泄禁止至真要大論曰歲少陽在火淫所勝民病注泄赤白少腹痛尿赤甚則血便少陰同候○厥陰司天風淫所勝民病食則嘔冷泄腹脹澹泄瘦水閉病本於脾○少陽司天火淫所勝民病泄注赤白○陽明司天燥淫所勝民病寒清於中感而瘥欬腹中鳴注泄驚澹病本於肝○厥陰之勝腸鳴殞泄少腹痛注下赤白○少陰之勝腹滿痛澹泄傳爲赤沃○太陰之勝濕化乃見善注泄○陽明之勝清發於中左脇痛澹

泄○太陽之勝寒入下焦傳爲濡泄○陽明之復清氣大來
甚則心痛痞滿腹脹而泄○諸病水液澄澈清冷皆屬於寒
○暴注下迫皆屬於熱

論證 共三條

凡內經有言飧泄者有言濡泄者皆泄瀉也有言腸澼者卽下
痢也然痢之初作必由於瀉此瀉之與痢本爲同類但瀉淺
而痢深瀉輕而痢重瀉由水穀不分出於中焦痢以脂血傷
敗病在下焦在中焦者濕由脾胃而分於小腸故可澄其源
所以治宜分利在下焦者病在肝腎大腸分痢已無所及故

宜調理真陰并助小腸之主以益氣化之源此瀉痢之證治有不同而門類亦當有辨然病實相關不可不兼察以爲治也

一泄瀉之本無不由於脾胃蓋胃爲水穀之海而脾主運化使脾健胃和則水穀腐熟而化氣化血以行營衛若飲食失節起居不時以致脾胃受傷則水反爲濕穀反爲滯精華之氣不能輸化乃致合污下降而瀉痢作矣脾强者滯去卽愈此强者之宜清宜利可遂可攻也脾弱者因虛所以易瀉因瀉所以愈虛蓋關門不同則氣隨瀉去氣去則陽衰陽衰則寒

從中生固不必外受風寒而始謂之寒也且陰寒性降下必及腎故瀉多必亾陰謂亾其陰中之陽耳所以泄瀉不愈必自太陰傳於少陰而爲腸澼腸澼者豈非降泄之甚而陽氣不升臟氣不固之病乎凡脾胃氣虛而有不升不固者若復以寒之復以逐之則無有不致敗者此強弱之治大有不同故凡治此者有不可槩言清利也

一泄瀉之因惟水火土三氣爲最夫水者寒氣也火者熱氣也土者濕氣也此瀉痢之本也雖曰木亦能瀉實以土之受傷也金亦能瀉實以金水同氣因其清而失其燥也知斯三者

若乎盡矣然陽三者之中則又惟水火二氣足以盡之蓋五行之性不病於寒則病於熱大都熱者多實虛者多寒凡實熱之證必其脉盛形強聲音壯亮食飲裕如舉動輕捷者此多陽也虛寒之證必其脉息無力形氣少神言語輕微舉動疲倦者此多陰也故必察其因而於初瀉之時卽當辨其有餘不足則治無不愈而亦不致有誤矣

公利治法

共二條

凡泄瀉之病多由水穀不分故以利水爲上策然利水之法法有不同如濕勝無寒而瀉者宜四苓散小分清飲之類主之

但欲分其清濁也○如濕挾微寒而瀉者宜五苓散胃苓湯之類主之以微溫而利之也○如濕熱在脾熱渴喜冷而瀉者宜大分清飲茵陳飲益元散之類主之去其濕熱而利之也

一泄瀉之病多見小水不利水穀分則瀉自止故曰治瀉不利小水非其治也然小水不利其因非一而有可利者有不可利者宜詳辨之○如濕勝作瀉而小水不利者以一時水土相亂併歸大腸而然也○有熱勝作瀉而小水不利者以火乘陰分水道閉澀而然也○有寒瀉而小水不利者以小腸

之火受傷氣化無權而然也○有脾虛作瀉而小水不利者
以土不制水清濁不分而然也○有命門火衰作瀉而小水
不利者以真陰虧損元精枯涸而然也○凡此皆小水不利
之候然惟暴注新病者可利形氣強壯者可利酒濕過度口
腹不愼者可利實熱閉澀者可利小腹脹滿水泄痛急者可
利○又若病久者不可利陰不足者不可利脉證多寒者不
可利形虛氣弱者不可利口乾非渴而不喜冷者不可利蓋
虛寒之瀉本非水有餘實因火不足本非水不利實因氣不
行夫病不因水而利則亡陰瀉以火虛而利復傷氣倘不察

其所病之本則未有不愈利愈虛而速其危者矣

諸泄瀉論治 共九條

一泄瀉之暴病者或爲飲食所傷或爲時氣所犯無不由於口
腹必各有所因宜察其因而治之○如因食生冷寒滯者宜
抑扶煎和胃飲之屬以溫之○因濕滯者宜重胃散胃苓湯
或白朮芍藥散以燥之利之○因食滯而脹痛有餘者宜大
小和中飲之屬以平之○因氣滯而痛瀉之甚者宜排氣飲
或平胃散之屬以調之○因食滯而固結不散或胃氣之強
實者宜神祐丸赤金豆百順丸之屬以行之○凡初感者病

氣未深臟氣未敗但畧去其所病之滯則胃氣自安不難愈也

一凡脾胃氣稍弱陽氣素不强者一有所傷未免卽致泄瀉此雖爲初病便當調理元氣自非強盛偶傷者之比○如因瀉而神氣困倦者宜養中煎或溫胃飲或聖朮煎或四君子湯或五君子煎○如微寒兼滯而不虛者宜佐關煎○若脾虛而微滯者宜五味異功散○若脾虛而微寒微滯者宜六味異功煎或溫胃飲○若因飲食不調忽而溏瀉以漸而甚或見微痛但所下酸臭而顏色淡黃便是脾虛胃寒不化之證卽

宜用五德丸再甚者卽宜用胃關煎切勿疑也

一凡兼真陰不足而爲泄瀉者則或多臍下之痛或於寅卯時爲甚或食入已久反多不化而爲嘔惡溏瀉或瀉不甚臭而多見完穀等證蓋因丹田不煖所以尾閭不固陰中少火所以中焦易寒此其咎在下焦故曰真陰不足也本與中焦無涉故非分利所及也惟胃關煎一劑乃爲最上之乘且人之患此者最多勿謂其爲新病而不可用也勿謂其爲年少而未宜用也覺有是證卽宜是藥劑少功多攸利非小但知者見其先昧者見其後見其後恐見之遲矣所以貴先見也

一腎泄證卽前所謂真陰不足證也每於五更之初或天將明時卽洞泄數次有經月連年弗止者或暫愈而復作者或有痛者或有不痛者其故何也蓋腎爲胃關開竅於二陰所以二便之開閉皆腎臟之所主今腎中陽氣不足則命門火衰而陰寒獨盛故於子丑五更之後當陽氣未復陰氣盛極之時卽令人洞泄不止也古方有椒附丸五味子散皆治此之良方若必欲陽生於陰而腎氣充固則又惟人味地黃丸爲宜然余嘗用此則似猶未盡善故特製胃關煎一炁丹九炁丹復陽丹之屬斯得其濟者多矣或五味子丸亦佳其有未